



TPV/SHEV vízattu parmenénth vízat bodola

Australiar Hókumote Subclass 785 Temporary Protection víza (TPV) walá ar Subclass 790 Safe Haven Enterprise víza (SHEV) walá ókkolore parmenénth vízallá dorhás goríbar layek banaí diyé.

Layek wa

Zodi oñnottu **2023 Februarir 14** taríkor age Subclass 785 Temporary Protection víza (TPV) yáto Subclass 790 Safe Haven Enterprise víza (SHEV) aséde oíle yáto hínolla dorhás goíjja aséde oíle, toíle oñne Subclass 851 Resolution of Status (RoS) vízallá layek oífariba.

Oñne héfazotir zimmadarit córik noíle, meríth yáto adalotor ríviyur notijar entezar nógoílle, ar oñne Australiat taíbar rasta ókkol hótom gorifeíllode oíle, toíle oñne nizer kúciye Australiattú bair oi zaíba boli acá gora zar ar oñnore bair oi zaíbar modot gorazaít fare.

Australiat benezami sofór

Hókumote Bóudharor Héfazotir Níyomore dóri rakibo. Australiar bóudharor héfazotir níyomot honó tobdil noó, ar nóoiboyo. Zará Australiat bekanuni sofór goríbo, hítara eçe hámicalla séthel oí nofaríbou.

Zará Australiat hono kanuni víza sára buth loí sofór goríbo, hítararé hoidde eciz gín gorazaíbo:

- hítara ze zagattú aícce héçe wapes fíraidibo
- hítarare nizer decot wapes foóñsai díbo yáto
- hítarar héfazotir dawáre tadarot gorí saibollá elakar karwayír decot defeçaíbo.

Australiar bóudharor héfazotilla soktó ain banaibár moksót oíle Australiar bóudharore héfazot gorá, blék goroya ókkolore ruká, ar kúla doriya baí hótornak buthor sófor nogoribolla maincore maná gorá.

RoS vízallá kengorí dorhás goríbo

TPV/SHEV vízar dorhás gorouya ókkol (fore aibode dorhás gorouya ókkol uddá)

Dorhás goríbar Torika	Zodi oñne Difarménot 2023 Februarir 14 taríkor age (fore aibode TPV/SHEV vízar dorhás uddá) ekkar TPV/SHEV vízar dorhás díyode oíle, oñnottú hono kessú gora noforíbo . Difarméne oñnor TPV/SHEV vízar dorhásore RoS vízar dorhás hísafe bodolaí díbo.
Añár vízar dorhás bodolaíyede yán kengorí añí zaniyum?	Difarméne oñnor TPV/SHEV vízar dorhásore RoS vízar dorhás hísafe othumithík bodolaí díbo. Difarméne oñnor vízar dorhásore bodolaí díle, oñne hono ettéla no faíba yani oñnor hañse hono hobor noaibo, Difarménottu zodi aró kessú maalumát lage, yáto zehon oñnor RoS víza monzur goríbo, Difarméne oñnolói zuhazuk goríbo.

TPV/SHEV víza wála ókkol (zaráttu Difarmén ór hañsé muúntu arekbar TPV/SHEV goríbolla dorhás zoma diya nai)

Dorhás goribar Torika	TPV/SHEV víza wála ókkol zara 2023 Februarir 14 taríkor age Australia aícce (ar hítaráttu Difarmén ór hañsé dorhás zoma diya naíde oíle) hítara ImmiAccount ór zoriya RoS vízallá onlaínót dorhás gorí faríbo .Oñnottú dorhásor maná tulidíyar hono ettéla no laíbo.Yían onlaínor fórom ót ase. Kengorí dorhás goríbo é baabote maalumát <u>RoS víza sófatfaa</u> zaíbo.
Thaim or hót	Oñnor solodde TPV/SHEV vízar míyad hótom oíbar age oñnottú RoS vízalla dorhás gora foríbo.Zodi oñne hendhilla no goílle oñne benezami oízaíba ar hókumot or hédmot ókkol no faitfaro.
Añár vízar dorhás faíyede yían kengori ańí zaníyum?	Oñne zehon ekkán soíyi dorhás goríba, oñne oñnor dorhás gosiloíye hoí ekkán ekérarar nama faíba.Oñne zodi ekkán soíyi dorhás no goro, oñnore kíyolla soíyi node yían zanaíbo.

Agor TPV/SHEV víza wála ókkol

Dorhás goribar Torika	Oñne zodi agor TPV/SHEV vízar wála oíle ar oñnor vízar míyad 2023 Februarir 14 taríkor age hótom oíle, oñne ImmiAccount ór zoriya RoS vízalla onlaín ot dorhás gorifaríba.Oñnor dorhásore toítta víza hísafe étebar gorazaíbo.
Añár vízar dorhás faíyede yían kengori ańí zaníyum?	Oñne zehon ekkán soíyi dorhás goríba, oñne oñnor dorhás gosiloíye hoí ekkán ekérarar nama faíba.Oñne zodi ekkán soíyi dorhás no goro, oñnore kíyolla soíyi node yían zanaíbo.

Fottí RoS vízar dorhás gorouya ókkololla ahám maalumát

Hossá	RoS vízar dorhás díbolla hono thińya foisá diya noó foribóu.
Dorhás hoçé goríbo	Zodi oñnore Difarméne hábosor dorhásor goribar ejazot node, oñnottú hamahá ImmiAccount ór zoriya onlaínót dorhás gora foríbo .
Vízar Córto ókkol	Fottí RoS vízar dorhás gorouya ókkolottú sehét, kowmi hefazot ar ahálakor mutalleg córto ókkol hamaha furagorá foríbo.18 bosór arde hiyar uwror bocor dorhás gorouyattú Australian Values Statement (Australiar Níyom ókkolor Boíyan) ót hamahá saín goráforíbo. Difarmén e oñnor sínnoólla modot goítto aró maalumát ólla oñnolloi zukazug gorító fare. Eçe oñne, oñnor fémmi membór ókkol zen neki nam, zormo taríkor maalumát yá habosfonna camel taíbo lékin iínót mahádut noi. Zodi añára oñnor sínno baabote aró maalumát saí toíle Difarmén loi comoi mozin e maalumát debólla taalluk goríba. Líne oñnor RoS vízar dorhás aró zoldi fainel goítto añárare modot goríbo.
Fémili	Fémili membór ókkole éki dorhásor fóromot dorhás gorifaríbo, lékin fottí dorhás gorouyare hítarar nízor hok mozin foríkka goríbo.
Khás Hálot ókkol	Zodi oñnottú háas hono mojburani takedde oíle, ar oñnottú modot lagedde oíle, toíle oñnor cóoror yáto elakar háas refúji ar hijrotor kanuni modot douya ókkol loí zuhazuk goró (nise modot douya ókkolor líis soó).

Hálot or Bodol

Oñnor RoS vízar dorchásor hamore agebaraíþolla Difarmén e aros goíjjede maalumát ókkol hínor baabote thaimor bútoe juwab díyore modot gorifaríba. Oñnor hálot yáto zuhazukor maalumátot ókkol bodoillóde <https://immi.homeaffairs.gov.au/change-in-situation/contact-details> (oíle fuñátifuñáti Difarmén ore zanaíba (<https://immi.homeaffairs.gov.au/change-in-situation/contact-details>)).

Maana vízar dorchásor modot

Hókumote **maana** vízar dorchásor modotor karwaiyi iin goribólla dúí bosórot \$9.4 milión hossa goribou bóli fáisela goijje. Furá Australiat háas refúji ar hijrotor kanuni modot douya ókkole e modot iin maana díbo.

TPV/SHEV víza wála ókkole RoS vízalla dorchás gorédde hítara nizor cóorot yáto elakat kanuni modot douya ókkol lói zugazuk gorifaríbo zíyan lazem no.

Modot Douya	Modot dedde Cóor/Elaka ókkol	Websaíth
Refugee Legal	Victoria	www.refugeelegal.org.au
Refugee Advice and Casework Service (RACS)	New South Wales	www.racs.org.au
RACS NSW ór torfottú refár gorede hey babute Immigration Advice and Rights Centre (IARC)	New South Wales	www.iarc.org.au
Legal Aid	Australian Capital Territory	www.legalaidact.org.au
Refugee and Immigration Legal Service (RAILS)	Queensland	www.rails.org.au
Circle Green	Western Australia	www.circlegreen.org.au
Legal Services Commission	South Australia	www.lsc.sa.gov.au
Tasmanian Refugee Legal Service	Tasmania	www.trls.org.au
Legal Aid	Northern Territory	www.legalaid.nt.gov.au

* **Nuth:** Department of Home Affairs e vízar karwai joldi goribólla hono fíis no loíbo. Oñne zodi endhilla hédmotor ófar faíle, yían ekkán dúkabazi.

RoS víza wála ókkololla modot arde cuída ókkol

Ze maincore parmenénth RoS víza diyagiyé hítara fottí parmenénth decóittar lói ekkúðhoílla hok ókkol faíbo. Héçe bútoe hítarattú nisor cuídagin faibar honó entezar gorá noó foribou ar hínolla toraturi laayek bonizaíboí:

- Fottí socél sekurithi pémenth (www.servicesaustralia.gov.au),
- **Kowmi Maazurir Incurens Eskíim** (www.ndis.gov.au), and
- **uoror klássor elómor modot** (www.studyassist.gov.au).

RoS víza wála ókkole fibar layek oíbodé ciz hín oíldé:

- Tákoya bóna arde oínno córto ókkol fura goílle Australiar decítta bonizaíboí.
- Fémlí vízar kanun mozin Migration Program ór bútoe góri hítara fémliré Australiat anibollá sponsor gorí faribou.

Sponsor gorouya ókkol yáto mocuwara douya ókkol zara Australiat benezáme doriyar laíne aícce (UMA) hítara Migration Program ór bútoe góri fémlir vízar dorchás goribaccot hítarare hom towajju di félai nóo rakibou.

RoS víza wála ókkole **Medicare** ór torfóttu dabai ocútór modot faat táibou, ar **Program of Assistance for Survivors of Torture and Trauma** (www.health.gov.au) ór torfóttu maana mahér dhath' thorottu demagi sehétor modot faat táibou.

Aró maalumat ókkol

Difarménor websaithot aró maalumat ókkol fazaíbo: <https://immi.homeaffairs.gov.au/visas/getting-a-visa/visa-listing/resolution-of-status-851>